

DISCOVER

(Bible Ralchhan)

Zirlai - 8
Isua I Tân A Lo Kalin

Kum tam tak chhông tihduhdahna vângin Armando Valladares chu a cherin tun hma lak chuan sawngnawi kebai hne hne ang mai hi a lo ni ta a. Krismas nî a biak ina a tawngtai avângin Castro-a lung in pakhatah

kum 30 a tâng a. Tân in hotute chuan chaw ngheitîra sawisân mualpho takin an siam a, nimahsela a rinna chu a phat duh chuang lo.

Thil pakhatin tuarchhelna a pe a, chu chu hmeichhe pakhat, a hming Martha hnêna thu a lo tiam tawh chu a ni. Tân ina a tân laiin an inhmu a an inhmangaih a. Martha hian a rinna nghet tak chu a ngaisâng êm êm a, reilote hnuah chuan chu tân in, thisen kai nuau bathlârah chuan an innei ta a, mahse Martha chu Miami lamah an pem luihtîr (thawn) ta a.

Chutia han inthen chu a na êm êm a ni. Amaherawh chu chutichung chuan Armando chuan a hmangaih tak hnênah chuan thutiam a thawn chhuak ru thei ta a. Lehkha chhia phêk tereuh têah, “I hnênah ka lo haw ang... Kâwlkila laifei ka hnunglam a mite hian awmzia an nei tawh lovang,” tiin a ziaak a ni.

He lung in tâng hian engti zâwng takin emaw chuan Martha nêna an thutiam chu Pathian hma, Biak inah ngei tihpuitlin a tum tlat a. Engtikah emaw chuan an in pumkhatna chu a puitling ngei ang. Chuvângin, “Englai pawhin ka kiangah i awm reng a ni,” tiin a hrilh a.

A thutiam chuan Armandos chu kum tam tak chhông tihduhdahna, mi tam berte rilru tikhawlo vek thei, chu a tuar chhuahtîr thei ta a ni. Tin, Martha pawh a tanpui tho bawk. A pasal dinhmun chu mite hriattîr tûrin chhum lo chat lovin a thawk a. A beidawng ngai bawk hek lo.

1. THUTIAM CHU

A châng chuan Krista lo kal lehna hi hriatthiam har kan ti mai thei. Ropui taka kan inzawm khâwm lehna

tûr hian kan chung vân dumpawl ruih aţang khian a lo chhuk leh tak zet ang em? Rei tak kan inţhen tawh si a. Kan chênna lei, rei tak chanchin râpthlâk tak lo nei tawh hi ropui leh hlimawm taka a han tâwp tûr chu a duhawm lutuk deuhvin a lang mai thei a ni.

Amaherawhchu thil pakhat min tinung rengtu a awm; kan thinlunga beiseina tinung rengtu pakhat a awm chu chu thutiam a ni. Thil dang zawng zawng aia, a mite nêna inzawmna famkim min Tiamtu chu a LOKIR LEH DAWN. A zirtîrte kalsana vâna a lâwn dâwn têt khân, Isua chuan heti hian a tiam a.

“In thinlung mangan tîr suh u. Pathian ring ula, kei pawh mi ring rawh u. Ka Pa inah chuan awmna tam tak a awm a; chuti a nih loh chuan ka hrilh tawh ang che u. Chutah chuan in tân hmun siamin ka kal dawn. Tin, ka kala a in tân hmun ka siam chuan ka lo kîr leh anga, ka hnêna awm tûrin ka hruai ang che u, nangni pawh ka awmnaah in awm ve theih nân.” Johana 14:1-3, NIV.

Isua chuan vân a lâwn hmain a zuitute hnênah, “KA LO KIR LEH ANG,” chiang takin a ti a, A hnêna cheng ve tûrin min duh a, lokîr leh a tiam a, chu mi hnênah chuan amah ringtu zawng zawngte chu hmun bîk kan tân a buatsaihah chuan a hruai haw dâwn a ni.

Isua lokal lehna hi Bible a thu chiang a ni. Pathian Lehkha Thu hian a lokal lehna hi wawi 2,500 vêt a sawi a. Bengvâr thlâk tak chu, Isua lo kal vawihnihna hi a lo kal hmasak aia sawina tam zâwk i hmu ang. Isua chu khawvêlah hian a lo kal leh dâwn a ni tih hi amah ngei kum sanghnih lai kaltaa he khawvêla a lo chêng tawh ang khân a chiang a ni. Chuvâng tak chuan Tirhkoh Paula

pawhin huai takin, “Krista chu kan tân krawsa a tuar avângin beiseina lâwmawm, kan Pathian ropui tak chhandamtu Isua Krista ropuina inlârna chu kan chang thei a ni,” a ti a ni. (Tita 2:13).

Rei tak a ni tawh a, Pathian chuan Messia a lokal tûr thu a tiama, ani chu chhandamtu kan fel lohna zawng zawng phura mihring sualna atâna chhandamna petu a ni. Chu thutiam chu hmanlai mi, an nunna hlawhchhuak thînte tân a tak tak ni tûr chuan a tha lutukin a lang a. Mahse Isua chu lo kalin Krawsah a thi a ni. Thutiam chu Hebrai miten an ngaihtuah phâk ai daiha ropuiin a lo thleng dik a ni.

He leia a lokîr lehna pawh a dik tho vang. Min hmangaih a, an tân a man chhût phâk loh a pêk sakte la khâwm tûra a lokîr lehna tûr thutiam chu kan ring ngam tûr a ni.

A tân chhông zawng khân Armando Valladares chuan hlate, thuchahte, leh lemziakte chu Martha hnênah chuan a thawn chhuak ru thîn a. A tâwpah phei chuan chung zînga thenkhatte chu a buin a chhuah ta hial a ni. An thusawi thiamnate chuan khawvêl a deng chhuak a, khawvêl sorkârte chuan Castro chu an chhia leh tha hriatna an hman avânga lung ina (tân ina) khungte chu chhuah tûrin an nawr ta a ni. France ram President chuan amah ngeiin a nawra tichuan October 1992 khân Armando Valladares chu Paris pan thlawhnaah chuan an hawtîr ta a ni.

Thlawhna a tum thleng pawhin a zalen ta mai chu rin harsa a ti khawp mai. Tichuan, thang hnih lian zet tuarna leh nghah reng hnu chuan Armando chu Martha awm nghenga awm tûrin hman hmawh takin a haw ta a ni.

Thla reilote hnuah chuan nupa hlim takte chuan Mi-

ami khuua St. Kieran biak inah an thutiam chu Pathian hmâah an sawi nawn leh ta a ni. A tâwp a tâwpah chuan an inpumkhatna chu a famkim a, “I hnênah ka lo haw ang,” tih thutiam pawh tihpuitlin a ni ta a ni.

A tâwpa Krista chu hmai chhan ngeia kan hmuh theih hun tûr chu intawhkhâwm lehna ropui tak a va ni dâwn êm tih hi i ngaihtuah thei em? A lo kal lehna ropui tak chuan kan lungngaihna te, beidawna te chu a lem zo ang a, natna zawng zawng kan thinlunga kan pai rûkte pawh a hrufai vek ang. Isua lo kal lehna chuan kan duh berte leh kan beisei berte chu a tifamkim tawh ang. Tin, lei leh vâna mihrinna ropui ber nêna Chatuana awm dun tûrin kan awm tawh ang. Isua chu a lo kal thuai dâwn. Lo hmuh i nghâkhlel em?

2. ENGVANGIN NGE ISUA CHU A LO KAL ANG?

1. ISUA CHU A RUKIN A LOKAL A NG EM?

“Ngai teh u, ka hrilh lâwk tawh che u hi. Chutichuan, in hnênah, ‘Ngai teh u, thlalêrah a awm’ an tih che u chuan, kal chhuak suh u; ‘Pindan chhûngrilahte a awm,’ an tih che u chuan, âwih suh u, kâwl, chhaklamah a lo phe chhuak a, thlanglam thleng pawhin a lang thîn a, Mihring Fapa lokal lehna chu chutiang chu a ni dâwn si a.” Matthaia 24:25-27.

Kâwlphe chuan hmuh theihin hla tak a ên thîn. Isua lo kal lehna pawh a rûk emaw, rilrua thleng mai emaw a ni lo. Isua chuan amah chu a rûk a rala mi tlêmtê tân chauhva lo kal tûr anga ngai tûra tuma bum ni lo tûrin min hrilh lâwk a ni.

2. ISUA CHU MIHRING TAKIN A LOKAL AN GEM?

"A chhoh laia vâi lam an en reng laiin mi pahnih, puan vâi sinin, an kiangah an lo ding a; chu mite chuan, 'Galili rama mite u, engnga tinge vâi lam ena in din reng? He Isua in hnên ata vâi hruai chhohva a awm hi, vâi a chho in hmu ang bawh hian amah ngei hi a lo kal leh ang,' an ti a" Tihkohte 1:10-11.

Isua chu mihringin a lo kal leh ang. Kan khawvêl aṭanga vâi a lâwn nî khân vântirhkoh pahnihte chuan a zirtîrte hnênah he Isua in hnên ata vâi hruai chhohva awm hi amah ngei hi a lokîr leh ang tih an tiam a ni. Chu Isua Krista lalte Lal ngei chu, damlote tidama mitdelte mit tivârtu kha a ni. Uire nu an man hnêna zaidam taka thu sawitu, lunggaite mittui hru hul a, naupangte a mal chung a ṭuttîrtu, Kalvari Kraws-a thi a, thlâna awm a, a ni thum nia mitthi zîng atâ tho leh ta Isua bawh kha, lo kal tûra chu a ni.

3. KAN H MUH THEI H TURIN ISUA CHU A LOKAL AN GEM?

Vântirhkoh chuan, *"He Isua ngei hi a chhoh dân ang chiah hian a lokal leh ang,"* tiin an tiam a ni.

Eng angin nge Isua kha a chhoh?

"Chung thu chu a sawi zawhin an hmuh reng chungin vâi hruai chhohvin a awm a; tin, chhûmin an hmuh phâk loh vah a hruai bo ta a." Châng 9.

Zirtîrte khân lei aṭanga an Zirtîrtu a lei taksa tihropui chung a chho lai chu Chiang takin an hmu a. A chho lai chu mi tam takin an hmuhpui bawh. "Hetiang chiah hian

a lo kal leh ang,” chu chu uâlâu leh a puma lang thei tûr a ni.

Apostol Johana sawi dânin, Isua lo kal leh chu mi engzatin nge hmu ang?

“Ngai teh u, ani chu chhûmte nêen chuan a lo kal leh ngei dân e; mit tinrêngin a hmu ang a, a nâka chhuntute ngei pawh khân.” Thupuan 1:7.

Mifel leh misualte chuan a lo kal vawihnihna chu an hmu ang. Isua lo kal huna nung dama awm apiangte pawhin an hmu ang.

Amah ngeiin a lo kal chu mi engzatin nge lo hmu tûra a sawi?

“Chutih hunah chuan Mihring Fapa chhinchhiahna chu vânah a lang a. Chutih hunah chuan leia chitinin an âwmte an chum ang a, Mihring Fapa hi thltihtheihna leh ropuina nasa tak nêen vâchhûm chung a lo kal an hmu ang.” Matthaa 24:30.

Kan Khawvêla thil nung chêng tinrêng te chuan a lo kal vawihnihna chu an hmu ang. Thlalemin khawvêl pumpuia thlaa lawn chungchâng a puan aia chiang zâwk, mihring maktaduai têlin hmuhnawm ti taka an thlîr, Olympic infiamna khar lai aia hmuhnawm zâwk, Krista lo kal lehna chuan he khawvêla thil thleng dang zawng zawngte chu namên lovin a khum dân a ni.

4. ENGTI ANG KAWNG DANGIN NGE ISUA CHUAN A LO KAL LEHNA CHUNGCHANG A SAWI?

“Lalpa ngei chu âu thâwm nêen, vântirhkoh chungnung ber âw nêen, Pathian tawtawrâwt ri nêen, vâ aţangin a lo chhuk dân si a, tin, Kristaa thi tawhte chu an tho hmasa ang,” 1 Thesalonika 4:16.

Isua chu thiltihtheihna leh ropuina nasa tak nêh vân chhâm chungah tekín khawpui ri a zui ang mai hian Pathian tawtawrâwt ri nêh a lo kal dâwn a ni. (Matthaia 24:27, 30).

5. ISUA A LOKAL HUN CHUAN A RUALIN TUTENGELO KAL VE ANG?

“Mihring Fapa hi chu, a vântirhkoh zawng zawngte nêh, a ropuinaa inthuama a lo kal hunah chuan, a ropuina thutphahah a thu ang.” Matthaia 5:31.

Krista thawhle h tuma vântirhkoh pakhat chauh lo lang pawh khân vêngtu Rom sipaite chu thlabarin an tlu a nih kha. (Mat 28:2-4). A ropuina zawng zawng leh vântirhkoh zawng zawngte nêhna Isua a lo kal hun chuan engtiang taka ropui tûr nge ni ang han ngaihtuah teh!

6. ISUA LOKAL LEHNA HUN DIK TAK KAN SAWILAWK THEI A NG EM?

“Nimahsela, chu mi nî leh a hun thu chu Pa chauh lo chuan, tu man, Vâna Vântirhkohte pawhin, Fapa pawhin an hre lo.” “Chuvângin nangni pawh inring rengin awm rawh u, in rin loh hunah Mihring Fapa a lo kal dâwn si a.” Matthaia 24:36, 44.

Isua lo kalna ropui tak chu mi tinrêngin an hmuin an hre na ang a, mahse mi tam takte chu an inpeih dâwn lo a ni. A nih nang, mimal takin Isua lo kal lehna atân chuan i inpeih em?

3. A LOKAL LEH HUNAH ISUA CHUAN
ENGNGE A TIH ANG?

1. AMAH LO NGHAKTU ZAWNG ZAWNGTE HNENAH
ISUAN CHHANDAMNA A RAWN THLEN ANG.

“Chutiang bawkin Krista pawh mi tam tak
sualte kalpui tûra vawikhat hlana awm tawhin,
chhandamna hmu tûra amah lo nghâktute hnênah
chuan sual tel lovin vawi hnihnaah a lo lang leh
ang.” Hebrai 9:25.

“Tin, a vântirhkohte chu tawtawrâwt ri nasa
tak nêh a tîr chhuak ang. Anni chuan a thlante chu
kâwlkil lî ata vân tâwp aţanga a tâwp lehlam
thlengin an lâwrkhâwm ang.” Matthaia 24:31.

Isua chu i thîlung leh i nuna buatsaih i inphal chuan,
i Chhandamtu niin, lâwm takin i tâwk ang.

2. AN THLANA MUHIL MI FELTE CHU KRISTA’N A
KAITHO ANG.

“Hêng hi mak ti suh u, a hun a thleng dâwn ta,
chutih hunah chuan thlâna awm zawng zawngin a
aw an hria ang a, an chhuak vek ang, thil tha titute
chu nunna changin an tho leh ang a, thil sual titute
chu thiam loh changin an tho leh ang.” Johana 5:28,
29.

“Lalpa ngei chu au thâwm nêh, vântirhkoh
chungnung ber aw nêh, Pathian tawtawrâwt ri nêh,
vân aţangin a lo chhuk dâwn si a; tin, Kristaa thi
tawhte chu an tho hmasa ang.” 1 Thesalonika 4:16.

Vân aţanga A lo kîr leh hun chuan, Isua chu aw

nasa tak nêñ a lo chhuk ang a, chu chuan mitthite chu a kâitho dâwn a ni. Chu aw ropui tak chu khawvêl pumpuiah hriat a ni ang a, chu chuan thlân muala thlânthe chu ti hawngin, mi maktaduai tel hman ațanga Isua lo pawmtute chu a kâitho ang. Chu nî chu ava ropui dâwn em!

3. A LO KAL HUN CHUAN KRISTA CHUAN MIFELTE CHU A TIDANGLAM ANG.

Tirhkoh Paula chuan Isua chu mifel thi tawhte tân chauh a lo kal dâwn lova, amaherawh chu mifel la damte tân pawh a lo kal dâwn a ni tih min hrilh, chubakah,

“Chu mi hnuah chuan keini nunga lo la awm rengate hi boruakah Lalpa hmuak tûrin anmahni rualin chhûm zîngahte khian lâk chhohvin kan awm ang! chutichuan kumkhuaïn Lalpa hnênah kan awm tawh ang.” Châng 17.

“Ngai teh u, thurûk ka hrilh dâwn che u hi; kan zain kan muhil kher lo vang a, nimahsela kan zain tawtawrâwt hnuhnûng ber rîk hunah chuan reilotêah, mitkhap kâr lovah tihdanglamin kan awm vek tawh ang; tawtawrâwt chu a ri dâwn si a, chutichuan mitthite chu tawih thei lova kaihthawhin an awm ang, keini pawh tihdanglamin kan awm tawh ang. He tawih thei hian tawihtheihlohna a sin tûr a ni a, he thi thei pawh hian thihtheihlohna a sin bawk tûr a ni.” 1 Korin 15:51-53.

Chatuan atâna min buatsaih tûrin, Krista chuan kan taksa suala khat, na tñin, chau tñin chu, mawi leh thi theilo taksaah a chantir a ni. Ruhseh te, zengte, leh cancer te an awm tawh lo ang a, damdawi inte chu bovin, mitthi vui tûr

dahnate chu tihtâwp an ni ang. Krista chu a lo kal ta!

4. ALO KAL HUNAH ISUA CHUAN MIFELTECHU VANAH A HRUAI HAW ANG.

He khawvêla a awm lai ngei khân Isua chuan, “Ka lo kal leh ang a, ka hnêna awm tûrin ka lâ ang che u,” Ka Pa inah (Johana 4:1-3).

Thuthlung Thar chuan Chiang takin Isua chuan a lo kal leh hunah chhandamte chu vânah a hrui ang tih min hrilh a ni. Petera chuan, “chhandamte rochan chu vânah in tân khekin a awm,” (1 Petera 1:4) tih thu min hrilh a ni. Paula pawhin, “Vânah in tân beiseina chu dahsak in ni,” (Kolosa 1:5) tiin a sawi bawk a ni. Lei leh vâ lai taka Pathian khawpui, Jerusalem Thara thilmakte han fan vêl leh kan Pa vâna mi chu hmai chhan ngeia kan hmuh hun tûr kan thlîr a ni.

Zirlai hnunung lamah tlante chuan, vâna Krista hova kum 1000 an awm hnua Krista nêan an lo kîr leh huna khawvêl siam thar leh famkima an chan dân tûr kan zir dâwn a ni. (Thupuan 20-22).

5. ALO KAL HUNAH ISUAN CHATUAN ATANTHIL THALO LEH TUARNATECHU A TIBO TAWH ANG.

Isua min hrilh dânin A lo kal vawihnihnaa misual la damte chungah chuan engnge lo thleng ang?

“Nova dam laia thil awmzia ang khân, Mihring Fapa a lo kal leh nîte chuan a awm bawk ang. Nova lawnga a luh a, tui a lo lêt a, an zaa a tihlum vek nî kha a thlen hmâ loh zawng, an eiin an bâra, nupui

pasal an innei thîn a. Chutiang bawkin Lota dam laiin a lo awm; an eiin an bâra, an leiin an hralh a, an chîngin an sa thîn a; nimahsela Sodom khua ata Lota a chhuah nî chuan vân aţangin mei leh kât a sur a, an zain a tihlum ta vek a. Chutiang bawkin Mihring Fapa hi a rawn inlâr nî chuan a awm ang.” Luka 17:26-30.

Misual, Isuan zahngaihna a tiam zawng zawng hnar thîn tute chuan dik takin anmahni chungah meiling an chhêk a ni. Sawifiah zawh loh khawpa ropui hmêl chu an lam pana vân chhûm aţanga an hmuh chuan, chawp leh chilha an sualna leh Pathian an ngaihsak lohna thîn an hriat chhuah chu an tân phawrh zawh rual a ni lova, chuvângin, tlângte leh lungpui hnênah te chuan, “Min delh ula, lalthutphaha thua hmêl lakah leh Berâm No thinurna lakah min hliah rawh u,” an ti ang. Thupuan 6:16.

Misualte chuan engkim hmutu Isua hmâa din ai chuan thih an thlang zâwk a ni. Vân aţanga aw an hriat chu hmana thuhnuai rawlh taka a zahngaihna dawng tûra sâwmtu kha a ni tih an hria a ni. Pawisa duhna avâng te, nawmsip bawl duhna avâng te leh dinhmun duhna avângte a âthlâk taka botate chuan dam chhûnga thil hlu diktak awm chhun chu an chên tih an hre ta a ni.

Thil hriatchhuah hrehawm tak a ni. Diktak chuan an zînga tumah an boral a ţul loh tehlu nê! Pathian ngei pawhin misualte thihnaah hian lâwmna reng a nei lo (Ezekiela 33:11). Tuma boral duh lovin, mi zawng zawngin an sim a duh zâwk a ni (2 Petera 3:9). Isua chuan, “*Nangni thawk rim leh phurrit phur zawng zawngte u, ka hnênah lo kal ula, keiman ka chawlhîr*

ang che u,” a ti a (Matthaia 11:28). Mahse chu chu ringhlelin mi tamtakin he khawngaih sâwmna hi an hawisan thîn.

4. ISUA LO KAL LEHNA ATAN I INPEIH EM?

Isuan amah châna, Chatuan ram kan hloh lohna tûrin a theih tâwkin min pui a, “Ka Pa In” a tiha amah nêna chen dun theihna chu atân a man a tam êm êm a, a nunnain a tlâk a ni.

“Chuti ni suh sela, lei lung pian tîrh aţang khân vawi tam tak a tuar tawh tûr a ni, nimahsela tun lai hun tâwpah hian inthawi nâna in hmang chawpin sual tihbo nân vawikhatah a lo lang ta nghal a ni. Tin, mihring tân vawikhat thih ruat a ni, chu mi hnuah chuan rorêlna a awm ang. Chutiang bawkin Krista pawh mi tamtak sualte kal pui tûra vawikhat hlana awm tawhin, chhandamna hmu tûr, amah lo nghâktute hnênah chuan sual tel lovin vawihnihnaah a lo lang leh ang.” Hebrai 9:26-28.

Chhandamtu, i sual man tlâk nâna kraws-a thi chu a “vawihnihna” atân a lo kal leh ang, chutih hunah chuan” amah lo nghâktute tân Chhandamna a rawn hawn ang.” Kan vaia tân chhandamna thlen tûrin amah leh amah a inhlana, chuvâng chuan lo kîr leh chu a châk tawh êm êm a ni. Khatitaka a man tama a tlante kha rawn lakkhâwm a duh tawh a ni. A lokal vawihnihna tello chuan Kraws chu awmze nei lo a ni. Krista chuan amah nghênga kan awmna tûr chatuan atâna in him min pêk a duh a ni. Chu chu engtik nîah emaw a thlen theih nân kan thinsungah tun mai aţang hian Lal leh Chhandamtu

nia ro a rêl kan phal tûr a ni.

August 16, 1945 zîngah chuan China Hmar lama Shantung Compound-ah chuan naupang pakhat tlan tlangin vânah thlawhna a hmuh thu a au pui chul a. Chu veleh tangho a thei a piangte chu lo tlan chhuakin vâ chhâm lam chu an thlîr a. Hêng mite hi hun rei tak lak hran, chanvo chhuhsak leh hreawm taka awm, Europe rama hnam hrang hrang, hmêlma anga Japanin a tântîrte an ni a. Thil pakhat chauhvin a tinung a, chu chu engtik nîah emaw chuan indona chu a tâwp ngei ang, tih hi a ni.

He thlawhna hi an tâna lokal ni mai awma an hriat chuan hêng mi tâng la dam 1500 te inkârah chuan electric current chu an rawn kal tlang a. Thlawhna ri chu a lo ring tial tial a, ðhenkhatte chuan “Enteh u, thlawhna sîrah sawn America ram puanzar lem a chuang chuai mai,” an ti a.

Tichuan, rin ngam loh khawpa chakin, “Enteh u, ban an rawn vai a, min hria a min hruai tûrin an lo kal a ni,” tiin an au va.

Hetah meuh hi chuan, an zauthauna chu hêng mi chau ho, lungngai leh mahni in leh lo lam ngai êm êm la dam chhunte tlin bâk hi a ni. An sa ðe chel chul a, mite chu tlankualin, ðhenkhat an theih tâwpa ringin an auva, an bân an vaia, an ðap a.

Langdon Gilkey chuan a zauthau dân hetiang hian a sawi; “He thlawhna hi chu kan lam tâ ngei a ni. America mite hnênah rawn tûrin, indona chu a tâwp ta, tûnah chuan khawvêl zau zâwka chengte zîngah kan tel leh ta,” a ti.

Chu ve leh, mipui chu thaw lovin leh ngawi rengin an inen hru hlawm mai a. Thlawhna hnuai lam chu a rawn inhawng huau a, mite chu parachute-in an rawn

zuang thla ãan ta a. Hei meuh hi chu rin phâk bâk a ni! Anmahni chhanchhuak tûrte chu engtik nîah emaw an lo kal mai dâwn ni lovin, vawiin hian an lo kal a, tunah an zingah an lo awm ta a ni!”

Mipui chu hungna kawngkâ lamah chuan an fâwn phei a, chung lam ațanga silai puak rang rawn tintu lam chu tuman ngaihtuahna an nei tawh lo. Kum kha leh chen rilru beidawna leh khawharnate chu mipui fâwn vêlah an chang ta a ni. Kawngkhâr chu tichhiain thlawhna sipai ho ãumna lamah chuan an liam phei dul dul mai a ni. Reilo teah, hêng mite hi anmahni kaihkuahu sipaite nêh chuan camp lamah chuan an phei leh ta dul dul mai a. Camp hotu pawh chu hriamhrei engmah lek lovin a inpe ta nghâl a ni. Indona chu a tâwp ta hmiah mai. Zalêna chu a lo thleng ta. Khawvêl pawh a thar hlak a ni leh ta.

Reilo têah, Kan Pathian, kan Chhandamtu chu min chhanchhuak tûrin vân chhûm zîng ațang khian a lo chhuk dâwn a ni. Mihringte, an mihring puite chung a nun râwnna chanchin râpthlâk reitak lo awm tawh chu a tâwp hlen tawh dâwn a ni. Chu mi nîah chuan namên lova hlimna awm ang a, lâwm avânga auna te, hei hi kan han hriat chhuah meuh chuan: “A lo kal hnâi e, vântirhkoh, an tawtawrâwt tumte ka hmu thei ta! Thâwm chu a ring zual a, ropuina chhûm pawh kan en ngam loh dâwn khawpin a êng zual zêl. Nimahsela kan thlîr bâng thei chuang lo. A chhan chu, ‘Ani pawhin mi hmu, tunge ka nih a hria. Mi hruai tûrin a lo kal a ni.’”

Kan bânthe phara, auva tlanvêl ruai kan châk ang. Tuilian, Pathian lama luan chhohtîr ang mai kan ni dâwn a ni. “Hei hi ka Pathian a ni” tih pawh hrilhfiah rual lohva lâwmin kan hria ang. Kan tân a lo kal, engtik nîah emaw

ni lovin, mahse tânah ngei hian.

Lalber chu A ropuina zawng zawng nêh lo hmuak tânah i inpeih em? Hlimna thurûk i thinlung tikhat thei hi i hmu chhuak tawh em? I la hmu lo a nih chuan, khawngaih takin Isua hi mimal takin tânah hian sâwm rawh. Isua kan khawvêla a lo kalna chuan, khawvêl harsatnate chu a tirêh dâwn ang hian, i thinlunga a lo kalna chuan tun lai huna i nitin harsatna te chu tikiang tânah a tanpui ang che. Harsatna tirehtu Ropuia chuan thiamlohna leh sual phurrit aţang chuan a chhâwk thei che a, tin, chhandamna a pe thei che a ni. Isua lo kalna chuan kan khawvêl a tidanglam vek ang hian, kan nuna a lo chênna chuan mak takin chatuanin a tidanglam dâwn a ni. Isua chungah chuan i tân inngah ngam a ni. A lo kal hun atân buatsaih chein, chatuana hlimna nun neih hriatna ropui tak chu a pe thei che a ni.

Kan Pa duhtak vâna mi, Isua lokal lehna nghâkin ka thinlung chu beiseinain a phu hlawp hlawp a. Tânah tak hian, Isu duhtak, tun hma aia thuk zâwkin ka thinlungah lo cheng rawh. I lo kal lehna atâna inpeih tânah min buatsaih rawh. I chungah ka lâwm tak zet a ni. Amen.

Published by Mizo Conference of Seventh-day Adventists
Seventh-day Tlâng, P.O. Box 097, Aizawl 796 001, Mizoram